

清·方略館 編

清代 方略 全書

北京圖書館出版社



清代方略全書

三九

清·方略館編

北京圖書館出版社

欽定安南紀略

卷二〇——三〇

清抄本

欽定安南紀畧卷二十

五月初五日 辛酉

上命軍機大臣傳諭福康安曰。黎維祁因無能失國。
棄印潛逃。今姑寬其失守藩封之罪。安插桂林省
城。酌給養贍。比於編氓。若聽其仍舊蓄髮服用。該
國衣冠與內地民人迥異。殊於體制未協。著傳諭
該督撫。即令黎維祁並伊隨從人等一體薙髮改

用天朝服色。將來阮光顯經過桂林時，與黎維祁會晤，見其業經剃髮，服色改易，斷無回國之理。並可令阮光顯差人回國，告知阮惠，俾得釋其疑畏。

初六日

壬戌

上命軍機大臣傳諭福康安、孫永清曰：前據福康安等奏阮惠遣親姪阮光顯到閩，籲懇進京入覲，三降旨令湯雄業帶同來京，並令阮光顯於過桂林

時與黎維祁會晤矣。今思黎維祁與阮氏仇隙滋深。阮光顯又係阮惠親姪。相見時未免心懷忿恨。即使黎維祁柔懦無能。恐伊之舊臣反隨從人等。或至忿毆構衅。殊屬不成事體。著該督撫轉飭湯雄業親自帶同阮光顯往晤黎維祁。並須多派兵役嚴行管束。無任滋事。

臣等謹按黎氏棄印失國。蒙

皇上成全始終寬其罪譴給養贍而獲寧居以存宗

支於一錢

深仁渥澤實為無可復加但既踐土中華身歸版籍

自當遵循

令甲毋致稍形畸異

皇上諭令黎維祁及其隨從人等悉皆薙髮改服以

符體制復使阮光顯道經桂林與之會晤

見其業經難髮服色改易斷無再行歸國之
理。俾益抒誠景附。猜懼全消。無須文告之煩。
足堅交夷之信。策莫善焉。義莫大焉。至黎阮
仇隙素深。相見時設有忿爭構釁。所繫匪輕。
並

飭臨時加意鈴束。一切

指示檄宜周詳洞徹。臣工竭慮殫思。總無由少資毫

末也。

二十三日，已福康安孫永清奏言，查粵西沿邊一帶，百隘三關，處處與交夷接壤，其有大山峻嶺，間隔內外者，鎮南關而外，則有龍州所屬之平而關，水口關，明江同知所屬之由隘，思林，右江鎮所轄之歸順，小鎮安等州廳各隘口，形勢俱為險要，其餘或係平坡衍阜，中外交界處所。

不過刊木為柵。壘石為牆。掘溝為塹。內地夷地。
民居相望。雞犬聲聞。歷來相安無事。此外均係
仄徑懸崖。灌莽叢薄。不特夷人罕入。即內地民
人亦復望而裹足。臣等公同高酌。此時籌辦善
後。自應於扼要處所。添兵設防。以壯聲威。但各
關隘界址錯盤。路迂紆互。離鎮南關近者一二
百里。遠則數百里。必須分赴查勘之後。方可斟

酌形勢會同商辦。臣福康安即赴龍州一帶查閱平而水口等關。臣孫永清赴明江一帶查閱由隘思林等隘。臣海祿往右江一帶查閱歸順等處要隘。若該處俱在萬山之中。境僻地險。並無民居官廨。臣等各攜帶帳房隨處歇宿。沿途經過小隘。或日一二處。或數處不等。俱各安靜寧謐。臣福康安臣孫永清查勘畢後。於本

月初六日初七等日遵

旨先後回至南寧府城海祿赴右江等處路途較遠
現尚未回臣等現在各將親身履勘情形悉心
籌議務使善後事宜久遠遵行無弊方可一勞
永逸上慰

聖懷俟海祿查勘事竣回至南寧時一併彙定章程
繪具圖說另行具

奏再阮惠親姪阮光顯等於四月十九日進關齎
表乞降後是日即回至文瑞州次日回至諒山二
十七日阮有暘等復又進關叩謝面見湯雄業據
稱阮光顯及伊等進關時蒙福閣部堂如此曉
諭如此優容小邦陪臣叨逢榮遇不覺感畏
益深現已星夜趕回黎城將
天朝一番恩澤並准代奏求降入

覲之處告知阮惠且告知舉國臣民俾其共生歡喜
仍當馳赴諒山候

命臣等察阮光顯等此次進關於恭謹之中加以悚
慙一切禮文詞令尤十分周到惟恐有絲毫疎
漏為

天朝指斥據此情形則阮惠之不即親自到關誠如
聖諭不免懷疑畏懼今阮光顯回至黎城告以中國

如此坦懷大度不但不加之罪且准其代奏乞
降而是日遊關時人馬隊伍復極整齊嚴肅規
模亦極濶大自必一一縷述阮惠此時當已疑
懼全消益懷敬感安南僻在炎徼而於

天朝平定金川臺灣等大事該國自有風聞至於平
定準噶爾時舍楞逃往俄羅斯後復赦罪封王
之處想路遠未必聞知此事為萬古撫戎要策

亦為

聖主無外鴻謨此時阮顯光籲求代阮惠入

覲并稱阮惠欲躬自詣

關臣等俟奉到前次奏摺

硃批後當即遵

旨另擬檄文將舍榜之事作為榜樣罕譬曲喻以釋
其猜疑之意至兩粵兵丁已全數撤完歸佐標

防再現值初夏正需雨澤之時茲於四月二十
六七八等日涯霽滂沱低畝高塍一律普沾詢
屬邊境穩收之兆再臣福康安欽奉

諭旨福康安將邊隘一切查竣後即回至桂林省城
為是欽此查桂林府城在粵西省之東北鎮南關
在西南極邊相距幾二千里臣若回至桂林則
離關較遠一切邊隘事宜轉難照料南寧府距